

# **CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E A CONFEDERACIÓN GALEGA DE PERSOAS CON DISCAPACIDADE (COGAMI) PARA A POSTA EN MARCHA DUN PROXECTO PILOTO DE INNOVACIÓN NO ÁMBITO DOS SERVIZOS SOCIAIS A TRAVÉS DUN SERVIZO DE COIDADOS INTERMEDIOS PARA A PERMANENCIA NA COMUNIDADE, NO MARCO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA, NEXTGENERATIONEU**

## **MEMORIA XUSTIFICATIVA**

A Comunidade Autónoma de Galicia, segundo o establecido no artigo 27.23 do Estatuto de autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

A Consellería de Política Social e Igualdade é o órgano superior da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade, conforme ao Decreto 139/2024, do 20 de maio, polo que se establece a estrutura orgánica da Consellería de Política Social e Igualdade.

A entidade COGAMI é unha entidade de natureza asociativa, figura inscrita no Rexistro de asociacións co número 2003/93-2ª, tendo por finalidade a defensa dos intereses das persoas con discapacidade de Galicia, acadar a súa real e efectiva participación social, laboral e cultural, así como a súa integración na sociedade. A entidade, declarada de utilidade pública, figura recoñecida e inscrita como entidade de iniciativa social no Rexistro de Entidades Prestadoras de Servizos Sociais có número E-154.

O Consello Europeo aprobou o 21 de xullo de 2020 a creación do programa NextGenerationEU, como instrumento de estímulo económico en resposta á crise causada polo coronavirus.

O 10 de novembro de 2020, o Parlamento Europeo e o Consello alcanzaron o acordo sobre o paquete de medidas que inclúe os fondos de NextGenerationEU e o Marco Financeiro Plurianual 2021-2027, creándose o Mecanismo Europeo de Recuperación e Resiliencia, como instrumento de apoio aos Estados membros a través de transferencias directas e préstamos para incrementar os investimentos públicos e acometer reformas para paliar os devastadores danos producidos pola COVID-19.

O Regulamento (UE) nº 2021/241 do Parlamento Europeo e do Consello, do 12 de febreiro de 2021, polo que se establece o Mecanismo de Recuperación e Resiliencia, sinala que os Estados membros elaborarán plans de recuperación e resiliencia nacionais para acollerse a este e alcanzar os obxectivos establecidos e presentarse formalmente polos Estados, como moi tarde o 30 de abril de 2021.

En virtude da Resolución da Subsecretaría de Asuntos Económicos e Transformación Dixital do Ministerio de Asuntos Económicos e Transformación Dixital do 29 de abril de



2021, publícase o Acordo do Consello de Ministros do 27 de abril de 2021, polo que se aproba o Plan de Recuperación, Transformación e Resiliencia, que define as estratexias a seguir no desenvolvemento dos fondos europeos de recuperación (*Boletín Oficial del Estado* número 103, do 30 de abril de 2021).

Este convenio encádrase no marco do Mecanismo de recuperación e resiliencia, dentro do eixe/compoñente 22: economía dos cidadáns e reforzo das políticas de Igualdade e inclusión social, medida/investimento I1: Plan de apoios e coidados de longa duración: desinstitucionalización, equipamentos e tecnoloxía, submedida: transformación da rede de coidados de longa duración a través da construción, adquisición, reforma e modernización de equipamentos, do Plan estatal de recuperación, transformación e resiliencia, financiado pola Unión Europea- NextGenerationEU, e no cumprimento da normativa autonómica, estatal e da Unión Europea que regula este tipo de investimentos, e quedan suxeitas, en todo caso, ao cumprimento, execución e realización dos obxectivos do referido plan. Encádrase no proxecto nº6 "Proxectos de innovación dos servizos sociais"- Subproyecto del Objetivo 325 da Comunidade Autónoma de Galicia".

O obxecto do presente convenio é a colaboración por parte da Consellería de Política Social e Igualdade coa entidade COGAMI a través da concesión directa dunha subvención destinada ao financiamento de gastos derivados dun proxecto piloto de innovación no ámbito dos servizos sociais, orientado ao deseño, desenvolvemento e validación dun Servizo de Coidados Intermedios para a Permanencia na Comunidade, dirixido a persoas con discapacidade que precisan apoios intensivos e temporais para avanzar nos seus proxectos vitais e evitar procesos de institucionalización non desexados.

O proxecto divídese en dúas fases, a primeira é a posta en funcionamento que se iniciaría en xaneiro e se prolongaría ata o 15 de xuño, e a segunda que consiste na recompilación e valoración dos resultados acadados, que comprendería dende o final da primeira fase ata o 31 de decembro.

As actuacións do Servizo de Coidados Intermedios para a Permanencia na Comunidade estrutúranse arredor do Plan de Apoios Individualizado, acordado con cada persoa participante conforme á metodoloxía de Atención Integral Centrada na Persoa (AICP). Todas as intervencións teñen carácter temporal, flexible e orientado a resultados, e desenvólvense prioritariamente na contorna habitual da persoa.

En concreto, serán subvencionables as seguintes actuacións:

Inclúense intervencións orientadas á mellora, recuperación ou mantemento das capacidades funcionais, cognitivas, comunicativas e psicosociais necesarias para a vida autónoma e a participación na comunidade a través das seguintes técnicas:

a) Técnicas e procedementos a aplicar na fisioterapia

1. Fisioterapia aplicada á persoa de perfil neurolóxico adulta onde se inclúen: lesións medulares, Ictus-ACV, TCE, esclerose múltiple, esclerose lateral amiotrófica,



polineuropatías, enfermidades neuromusculares, enfermidades neurodexenerativas, entre outras.

2. Fisioterapia aplicada á pediatria e menores de idade (intervención en infantes con alteracións de tipo ortopédico, postural, neurolóxico, atrasos madurativos, síndromes)

3. Fisioterapia aplicada a alteracións de tipo musculoesquelético, osteoarticular e alteracións reumáticas crónicas, entre outras. Intervención en persoas con alteracións de tipo inflamatorio e que cursan con dor, derivadas da discapacidade.

4. Rehabilitación física a través de videoxogos e nova tecnoloxía de apoio.

Promoverase a rehabilitación de fisioterapia a través de dispositivos de realidade virtual; tales como pantallas táctiles con softwares con contornas interactivos ou consola Wii e PS4 cos seus accesorios.

b) Técnicas e procedementos a aplicar na terapia ocupacional

1. Terapia ocupacional aplicada á persoa de perfil neurolóxico adulta onde se inclúen: lesións medulares, Ictus-ACV, TCE, escleroses múltiple, escleroses lateral amiotrófica, polineuropatías, enfermidades neuromusculares, enfermidades neurodexenerativas, entre outras.

2. Terapia ocupacional aplicada á menores: intervención en infantes con alteracións de tipo neurolóxico, atrasos madurativos, alteracións de tipo condutual: trastornos de espectro autista, TDH, entre outros

3. Terapia ocupacional e produtos de apoio. Orientada ao asesoramento en canto ao posicionamento e sedestación en cadeira de rodas, uso de dispositivos de apoio e/ou de tipo ortopédico (bipedestadores, andadores, guindastres, apoio á comunicación con dispositivos SAAC\*, entre outros

4. Terapia ocupacional en Sala de Integración Sensorial. Esta técnica, é un marco de referencia específico en Terapia Ocupacional.

5. Terapia Ocupacional en Sala de Estimulación Multisensorial (ou sala Snoezlen). A través dos diferentes dispositivos da sala, entre eles: fibras ópticas, tubo de burbullas con vibración, nube de estrelas, cortinas de luces. Esta contorna multisensorial, permite proporcionar experiencias diversas a través dos sentidos no perfil da persoa con grave discapacidade e aportar novas sensacións.

6. Rehabilitación neurocognitiva, da comunicación, e participación social a través de dispositivos tecnolóxicos tales como Tablet (diversas App), realidade virtual, dispositivos para o acceso ao ordenador, uso de encerado dixital, pantalla táctil. Emprego de devanditos sistemas para a rehabilitación funcional e cognitiva da persoa con dano neurolóxico.

c) Técnicas e procedementos a aplicar na logopedia

1. Logopedia aplicada á persoa de perfil neurolóxico adulta (onde se inclúen patoloxías como Ictus-ACV, TCE, escleroses múltiple, escleroses lateral amiotrófica,



polineuropatías, enfermidades neuromusculares, enfermidades neurodexenerativas, entre outras.

2. Logopedia aplicada á pediatría e menores de idade: intervención en infantes con alteracións de tipo neurolóxico, atrasos madurativos, síndrome, trastornos xeneralizados do desenvolvemento \_TGD, dificultades de aprendizaxe.

3. Logopedia aplicada á persoa de perfil neurolóxico con apoio de novas tecnoloxías. Coa finalidade de intervir na mellora da comunicación, na adquisición de novos fitos na aprendizaxe e/ou intervir en restituír as funcións neurocognitivas implicadas; empregaranse, aplicacións (App) de Tableta, pulsadores ou ratos adaptados para o acceso ao ordenador con pulsadores, pantallas táctiles, encerado dixital, uso de dispositivos de comunicación novidosos (sistemas alternativos de comunicación): con voz, a través da mirada, uso de pulsadores e softwares de aprendizaxe.

d) Técnicas e procedementos a aplicar na neuropsicoloxía.

A neuropsicoloxía céntrase na avaliación e rehabilitación das funcións cognitivas afectadas tras unha alteración no sistema nervioso central. Normalmente, estas alteracións (causadas por un dano cerebral adquirido ou outra patoloxía) provocan dificultades na orientación, na atención, na linguaxe, na memoria, na visuopercepción, nas praxias ou nas funcións executivas (planificación, inhibición, resolución de problemas, etc.) ás que se suman alteracións condutuais e emocionais (apatía, agresividade, falta de control de impulsos, desinhibición) que dificultan a vida diaria da persoa, a súa aprendizaxe, interfíren no programa de rehabilitación doutras terapias e/ou teñen un gran impacto na familia, na contorna social e laboral.

Entre as técnicas de tratamento ou metodoloxía de abordaxe deste perfil de persoas está:

1. Rehabilitación neuropsicoloxía.

2. A calidade de vida das persoas que padecen unha patoloxía neurolóxica ou sufriron un dano cerebral é altamente dependente do grado de afectación neuropsicolóxica.

3. Funcións de asesoramento

4. Consiste na realización de servizos de asesoramento ás persoas e familiares, profesionais da saúde e organizacións (escolas, tribunais de xustiza, compañías de seguros, unidades de rehabilitación, etc.).

5. Rehabilitación neurocognitiva a través de dispositivos tecnolóxicos tales como Tableta (diversas App), dispositivos para o acceso ao ordenador, uso de encerado dixital, pantalla táctil. Emprego de devanditos sistemas para a rehabilitación funcional e cognitiva da persoa con dano neurolóxico.

e) Técnicas e procedementos a aplicar na psicoloxía

1. A psicoloxía no Servizo de Cuidados Intermedios ten como finalidade apoiar o benestar emocional da persoa, reforzar a súa capacidade de afrontamento, promover a



adaptación aos cambios asociados á discapacidade e favorecer a súa participación activa no proceso de rehabilitación, sempre desde a metodoloxía AICP.

2. Técnicas e procedementos de intervención:

3. Avaliación psicolóxica centrada na persoa (emocional, conductual, motivacional e social).

4. Apoio emocional e psicolóxico individual.

5. Técnicas de intervención cognitivo-conductual adaptadas ao perfil da persoa.

6. Adestramento en habilidades sociais, resolución de problemas, comunicación e afrontamento.

7. Apoio a procesos de adaptación á discapacidade e cambios vitais.

8. Técnicas de regulación emocional, relaxación e xestión do estrés.

9. Grupos psicoeducativos ou sesións grupais cando sexa adecuado.

10. Asesoramento e apoio á contorna afectiva no proceso de adaptación, comunicación e convivencia.

f) Técnicas e procedementos a aplicar no Traballo Social / Educación Social

A intervención social e socioeducativa ten como obxectivo favorecer a inclusión social, o acceso a recursos, o fortalecemento das redes de apoio e a participación comunitaria, elementos clave para a permanencia na comunidade e a prevención da institucionalización, coas seguinte técnicas e procedementos de intervención:

1. Valoración social integral das condicións de vida, contorno, rede de apoios e barreiras sociais.

2. Elaboración do Itinerario Social Individualizado dentro do Plan de Apoios.

3. Apoio no acceso a recursos sociais, educativos, comunitarios, culturais ou de apoio formal/informal.

4. Intervención socioeducativa para reforzar habilidades sociais, autonomía comunitaria, toma de decisións e participación.

5. Mediación entre a persoa, familia-contorna afectiva, servizos sociais, rede comunitaria e recursos educativos/laborais.

6. Acompañamento en xestións, trámites e conexión cos recursos do territorio cando se considere necesario.

7. Prevención e abordaxe de situacións de risco social.

8. Fortalecemento das redes sociais e comunitarias da persoa, con enfoque de inclusión e participación.

g) Actuacións complementarias para o desenvolvemento persoal e social das persoas con discapacidade segundo o modelo de atención integral centrado na persoa.



Para o cumprimento das actuacións previstas deste convenio a Consellería de Política Social e Igualdade achegará 850.000,00 euros ( oitocentos cincuenta mil euros €), que serán imputados á aplicación orzamentaria 08.04.312D.481.0 do orzamento da comunidade autónoma para o exercicio 2026.

As actuacións a subvencionar a través deste convenio, recollidas na súa cláusula segunda, adecúanse ao ámbito competencial da Consellería de Política Social e Igualdade previsto no Decreto 42/2024, do 14 de abril , polo que se establece a estrutura orgánica da Xunta de Galicia, no Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, e no Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, e as específicas necesidades inherentes ao colectivo ao que van dirixidas, así como o feito de que COGAMI é a única que programa un proxecto de esas características, de carácter experimental, no ámbito autonómico, considéranse razóns que acreditan o seu interese social. Polo tanto queda xustificada a concesión directa desta subvención, en aplicación do artigo 26 da Lei 9/2007, do 13 de xuño, que permite establecer convenios a través dos cales se canalizan estas subvencións resultando xustificada a imposibilidade de promover a concorrència pública en relación ao artigo 19.4 c) da Lei 9/2007, do 13 de xuño, e o Decreto 11/2009, do 8 de xaneiro.

Asinado dixitalmente en Santiago de Compostela

A directora xeral de Persoas con Discapacidade

Begoña Abeijón Fernández

